



**БАЯНХОНГОР АЙМГИЙН
ЖИНСТ СУМЫН ИРГЭДИЙН ТӨЛӨӨЛӨГЧДИЙН
ХУРЛЫН ХУРАЛДААНЫ ТОГТООЛ**

2020 оны 12 сарын 18 өдөр

Дугаар 2/07

Бодь

Сумын Засаг даргын 2021-2024 оны
үйл ажиллагааны хөтөлбөр батлах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 18 дугаар зүйлийн 18.1.1-ийн "д", 25 дугаар зүйлийн 25.1 дэх заалт, Хөгжлийн бодлого, төлөвлөлт, түүний удирдлагын тухай хуулийн 9 дүгээр зүйлийн 9.11.1, Төсвийн тухай хуулийн 64 дүгээр зүйлийн 64.1.1 дэх заалтуудыг тус тус үндэслэн сумын иргэдийн Төлөөлөгчдийн Хурлын 2 дугаар Хуралдаанаас ТОГТООХ нь:

1. "Сумын Засаг даргын 2021-2024 оны үйл ажиллагааны хөтөлбөр"-ийг хавсралтаар баталсугай.

2. "Сумын Засаг даргын 2021-2024 оны үйл ажиллагааны хөтөлбөр"-т тусгасан зорилтуудыг хэрэгжүүлэх ажлыг удирдлага зохион байгуулалтаар хангаж, дараах арга хэмжээг хэрэгжүүлэхийг сумын Засаг дарга /Р.Батжаргал/-д даалгасугай.

2.1 "Сумын Засаг даргын 2021-2024 оны үйл ажиллагааны хөтөлбөр"-ийг хэрэгжүүлэх арга хэмжээний төлөвлөгөөг тооцоо судалгааны үндсэн дээр шалгуур үзүүлэлт, хүрэх түвшинг тодорхойлж батлах.

2.2 Үйл ажиллагааны хөтөлбөр, төлөвлөгөөний хэрэгжилтийн явц, үр дүнг жил бүр сумын иргэдийн Төлөөлөгчдийн Хурлаар хэлэлцүүлэх.

3. "Сумын Засаг даргын 2021-2024 оны үйл ажиллагааны хөтөлбөр"-ийн хэрэгжилтийн явцад хяналт тавьж ажиллахыг сумын иргэдийн Төлөөлөгчдийн Хурлын Тэргүүлэгчдэд үүрэг болгосугай.



ДАРГА Д.АМАР-АМГАЛАН

1617079

Сумын Иргэдийн Төлөөлөгчдийн
Хурлын 2020 оны 12 дугаар сарын
18-ны 2/07 тоот тогтоолоор батлав.



**БАЯНХОНГОР АЙМГИЙН ЖИНСТ СУМЫН ЗАСАГ-ДАРГЫН
2021-2024 ОНД ХЭРЭГЖҮҮЛЭХ ҮЙЛ АЖИЛЛАГААНЫ
ХӨТӨЛБӨР**

ЭРХЭМ ЗОРИЛГО: Хүнээ хөгжүүлж, байгалиа дээдэлсэн, уламжлалт ёс заншлаа орчин үеийн хөгжил дэвшилд хослуулан, хөдөө аж ахуй, жижиг дунд үйлдвэрлэл, дотоодын аялал жуулчлалыг хөгжүүлсэн эдийн засгийн чадавхи бүхий, аж төрөх таатай орчин бүрдсэн АЙМГИЙН ТЭРГҮҮЛЭХ сум болно.

Сумын хөгжлийн тэргүүлэх чиглэл:

1. Хүнээ хөгжүүлж, хандлагаа өөрчлөх
2. Уламжлалт мал аж ахуйг хөгжүүлэх
3. Жижиг дунд үйлдвэрлэлийг хөгжүүлэх
4. Дотоодын аялал жуулчлалыг хөгжүүлэх
5. Байгалийн баялагаа зөв зохистой ашиглах

Нэг: “Ковид-19” халдварт цар тахлаас үүдэлтэй эдийн засаг, нийгмийн хүндрэлийг даван туулах бодлогын хүрээнд:

1.1. “Ковид-19” халдварт цар тахлаас урьдчилан сэргийлнэ.

1.1.1. Сумын нутаг дэвсгэрт коронавирусийн халдварын цар тахалтай тэмцэх, хүн амыг “Ковид-19” вирусийн халдвараас урьдчилан сэргийлэх, салбар дундын зохицуулалт, гамшгаас хамгаалах алба, мэргэжлийн ангиудын үйл ажиллагааны бэлэн байдлыг хангана.

1.1.2. Хорио цээр, хязгаарлалтын дэглэм тогтоосон үед эрүүл мэндийн салбарын хэмжээний шаардлагатай эм, эмнэлгийн хэрэгсэл, хувийн хамгаалах хэрэгсэл, оношлуур халдваргүйжүүлэх бодис, эмнэлгийн тоног төхөөрөмжийн хангалтыг тасралтгүй, хомсдол үүсэхээс сэргийлэх арга хэмжээг зохион байгуулж, нөөцийг бүрдүүлнэ.

1.1.3. Цахим орчин, албан байгууллага, багийн Засаг дарга нараар дамжуулан, иргэдэд коронавирусийн халдвараас урьдчилан сэргийлэх чиглэлээр эрүүл мэндийн мэдээлэл, зөвлөгөө, зөвлөмжийг хүргэх, сэрэмжлүүлэг мэдээллээр хангах ажлыг эрчимжүүлэн зохион байгуулна.

1.1.4. “Ковид-19” вирусийн халдварын үеийн орон нутгийн эрсдэлийн үнэлгээг салбар дундын оролцоотой хийж, үр дүнг шийдвэр гаргах үйл ажиллагаанд ашиглах, эрсдэлийг бууруулах цогц арга хэмжээг хэрэгжүүлнэ.

1.1.5. Ковид-19 халдвараас урьдчилан сэргийлэх бэлэн байдлыг хангах бэлэн байдлын төлөвлөгөө боловсруулан хэрэгжүүлэх, тусгаарлах болон эмчлэн тусгаарлах байруудын бэлэн байдлыг шуурхай хангаж эмч эмнэлгийн ажилтнуудыг халдвараас сэргийлэх арга барилд сургах ажлын байрны тасралтгүй сургалтыг тогтмол зохион байгуулж ур чадварыг нь дээшлүүлэн аюул эрсдлээс урьдчилан сэргийлж эрүүл мэндээр хохироохгүй байх арга хэмжээг авч ажиллана

Хоёр: Хүний хөгжлийн бодлогын хүрээнд:

2.1 “Эрүүл иргэн -Ирээдүйн үнэт зүйл”

2.1.1 Төсөвт албан байгууллагуудыг ажлын байран дээрээ артерийн даралт, биеийн жингээ хэмжих, эрүүл мэндээ хамгаалахад зориулсан тоног төхөөрөмжийг бий болгон ажиллахад нь дэмжлэг үзүүлнэ.

2.1.2 Эм эмнэлгийн хэрэгслийн чанар аюулгүй байдлыг ханган, эмийн зохистой хэрэглээг төлөвшүүлэх сургалтыг үе шаттайгаар зохион байгуулна.

2.1.3 Иргэдийн зонхилон тохиолдох халдварт бус өвчнөөс урьдчилан сэргийлэх, эрт илрүүлэх үзлэг, оношлогоо шинжилгээнд хамрагдалтыг нэмэгдүүлж, сэргийлж болох нас баралтын түвшинг бууруулж, “Хавдрын эсрэг”, “Элэг бүтэн-Монгол”, “Харшлаас сэргийлэх”, “Халдварт өвчинтэй тэмцэх, сэргийлэх, арга хэмжээнүүдийг хэрэгжүүлнэ.

2.1.4 Эрэгтэйчүүдэд чиглэсэн эрүүл мэндийн тусламж үйлчилгээний чанарыг сайжруулж, тэдний эрүүл мэнддээ тавих анхаарлыг нэмэгдүүлж, ажиллах боловсон хүчнийг бэлтгэн, төрөлжсөн үйлчилгээ үзүүлэх орчинг бүрдүүлж, “Эрүүл чийрэг-Эр хүн” арга хэмжээг хэрэгжүүлнэ.

2.1.5. Анхан шатлалд үзүүлэх эмнэлгийн тусламж үйлчилгээний чанар хүртээмжийг нэмэгдүүлэн иргэдийн чирэгдлийг багасгана.

2.1.6 Эрүүл мэндийн ажилтны ур чадварыг сайжруулж, ёс зүй, харилцаа хандлагыг дээшлүүлж, нийгмийн хамгааллыг дэмжинэ.

2.1.7 Эм, эмнэлгийн хэрэгслийн чанар, аюулгүй байдалд хяналт тавьж, сумын эмийн эргэлтийн сангийн үйл ажиллагааг сайжруулж, үнийн өсөлтийг тогтвортой байлгана.

Идэвхтэй амьдрал-Чийрэг иргэн

2.2 Эрүүл, идэвхитэй амьдралын хэв маягийг сурталчлах, эрүүл аж төрөх ёс, нийтийн биеийн тамирыг дэмжих үйл ажиллагааг орон нутгийн түвшинд дэмжин хөгжүүлнэ.

2.2.1. Хүн амын хоол тэжээл үндэсний хөтөлбөрийн хүрээнд иргэдийн зөв зохистой хооллолтыг дэмжих сургалт сурталчилгааг тогтмол хийж хүн амын дундах хоол хүнсний далд чихэр тослогыг бууруулан эрсдэлт хүчин зүйлийн нөлөөллийг багасгах замаар илүүдэл жингээс сэргийлэх, бөөр зүрх судасны өвчлөлийг бууруулна.

2.2.2 Иргэдэд эрүүл зөв хооллолт, сэтгэцийн эрүүл мэндийг дэмжих, хөдөлгөөний хомсдолоос сэргийлэх, бие бялдараа хөгжүүлэх спорт, спортын дасгал хөдөлгөөн, иог, бүжиг хийх зэрэг эрүүл, зөв амьдралын хэв маягийг хэвшүүлж, эерэг хандлагатай болгох нөлөөллийн үйл ажиллагааг бодлогоор дэмжин, төр, хувийн хэвшил, иргэдийн оролцоог нэмэгдүүлж, “Эрүүл, идэвхитэй амьдрал” арга хэмжээг хэрэгжүүлнэ.

2.2.3 Суманд үйл ажиллагаа явуулж байгаа спорт заалны ашиглалтыг сайжруулж, нийтийн биеийн тамир, дасгал хөдөлгөөнийг хөгжүүлж, иргэдийн оролцоог нэмэгдүүлнэ.

2.2.4 Спорт заалыг түшиглэн иргэдийн чөлөөт цагийг зөв боловсон өнгөрөөх эрүүл чийрэг идэвхитэй хөдөлгөөнийг тогтмолжуулах зорилгоор фитнес танхимтай болно.

Боловсролын чанар- хөгжлийн тулгуур

2.3 Хүн бүрт чанартай боловсрол эзэмшүүлж, боловсролын чанарын үнэлгээг дээшлүүлж, хүүхдэд ээлтэй, эрүүл, аюулгүй орчин бүрдүүлнэ.

2.3.1 Боловсролын байгууллагуудын хамран сургалтыг 80 хувьд хүргэнэ.

2.3.2 Орон нутагт дутагдалтай байгаа захиалгат мэргэжлээр суралцаж байгаа оюутнуудыг тэтгэлэгт хөтөлбөрт хамруулна.

2.3.3 Сурагчдын оюуныг хөгжүүлэх, бие даан суралцах, сургалтын хөтөлбөрийг хэрэгжүүлж, уралдаан, тэмцээн, олимпиад зохион байгуулна.

2.3.4.Боловсролын салбарт хэрэгжиж байгаа үндэсний болон дэд хөтөлбөрүүдийг хэрэгжүүлнэ ./Сайн багш, Авъяас, Монгол ухаан/

2.3.5 Боловсролын чанарын үнэлгээг дээшлүүлж, суралцагчийн хөгжлийн хэрэгцээ шаардлагыг хангасан бүтээлч багшийг бий болгож, “Чадварлаг багш” арга хэмжээг хэрэгжүүлж шагнаж урамшуулна.

2.3.6 Сургуулийн өмнөх боловсролын хүртээмжийг нэмэгдүүлж, сургалтын орчныг хүүхэд бүрд ээлтэй болгож багш нарын ур чадварыг нэмэгдүүлнэ.

2.3.7 Насан туршийн боловсролын хүртээмжийг нэмэгдүүлж, цахим, сургалтыг хөгжүүлж, иргэдийн тасралтгүй боловсролыг дээшлүүлнэ.

2.3.8 Сумын хүүхдийн зөвлөл, хамтарсан багийн үйл ажиллагааг идэвхижүүлж, гэр бүл, хүүхэд хамгааллыг сайжруулна.

2.4. Иргэдийн нийгмийн баталгааг хангах.

2.4.1. Малчид, хувиараа хөдөлмөр эрхлэгчдийг даатгалын үйлчилгээнд хамруулж, нийгмийн баталгааг хангана.

2.4.2. Хөгжлийн бэрхшээлтэй иргэдийн ажлын байрыг нэмэгдүүлнэ.

2.4.3. Ажилтай орлоготой өрхийн тоог нэмэгдүүлж 25-аас доошгүй иргэн байнгын болон түр ажлын байраар хангагдана.

2.4.4. Хөдөлмөр эрхлэлтийг дэмжих аймгийн дэд хөтөлбөрийг үргэлжлүүлэн хэрэгжүүлнэ.

2.4.5. Зорилтот бүлгийн иргэдийн хөдөлмөр эрхлэлтийг дэмжинэ.

2.4.6. Гэр бүлийн тогтвортой байдлыг хангаж, гэр бүлийн гишүүдэд ээлтэй бодлого хэрэгжүүлж хүний хөгжил, хамгааллыг сайжруулна.

2.4.7. Нийгмийн халамжийн бодлогын хүрээнд амьжиргааны баталгаажих түвшингээс доогуур орлоготой, өрх толгойлсон эцэг, эхчүүд, 40-өөс дээш насныхан, ахмад настан, хөгжлийн бэрхшээлтэй иргэдийн хөдөлмөр эрхлэлтийг дэмжинэ.

2.4.8. Иргэдийн санхүүгийн боловсролыг нэмэгдүүлэх замаар хуримтлалтай болгох арга зүйд сургаж, аливаа эрсдэлээс урьдчилан сэргийлэх чадвартай болгон “Хуримтлалтай хүүхэд” арга хэмжээг хэрэгжүүлнэ.

2.4.9. Иргэдэд эрүүл аж төрөх дадал хэвшилд сургах, ажил мэргэжлийн чиг баримжаа олгох сургалтанд хамруулна.

2.4.10. Ахмад өндөр настангуудын чөлөөлт цагаа өнгөрүүлэх, үйлдвэрлэл үйе ажиллагаа явуулах байртай болгож “Ахмадаа ачилъя” хөтөлбөр хэрэгжүүлнэ.

Соёлтой иргэн- нийгмийг түүчээлнэ

2.5 Соёлын салбарын бүтээгдэхүүн, үйлчилгээгээр дамжуулан иргэдийг соён гэгээрүүлж, биет болон биет бус өвийн хадгалалт хамгаалалтыг сайжруулж, өсвөр үе залуучуудад сурталчлан таниулах, соёлын салбарын хүний нөөцийг чадавхижуулах.

2.5.1 Соёлын салбарын үйл ажиллагааг эрчимжүүлнэ.

2.5.2 Сумын нийт ард иргэдийн дунд соёл урлаг, спортын нэгдсэн арга хэмжээнүүдийг зохион байгуулна.

2.5.3 Соёлын биет ба биет бус өв, түүх соёлын дурсгалын хадгалалт хамгаалалтыг сайжруулах, ард иргэдэд сурталчилан таниулна.

2.5.4 Соёлын бүтээгдэхүүн үйлчилгээгээр дамжуулан иргэдийг соён гэгээрүүлж, хандлагыг өөрчилж “Бүх нийтийн соёлын боловсрол” арга хэмжээг хэрэгжүүлнэ.

2.5.5 Урлаг соёлын чанар хүртээмжийг нэмэгдүүлж ажиллана.

2.5.6 Иргэдийн ном унших дадал хэвшлийг нэмэгдүүлж, сургуулийн номын сан, сумын номын сангийн үйл ажиллагааг сайжруулна.

2.5.7 Соёл урлагийн салбарыг мэргэжлийн боловсон хүчнээр хангаж, тэдний ур чадварыг дээшлүүлнэ.

2.5.8 Түүх соёлын өвийг сүйтгэж байгаа хууль бус үйл ажиллагаатай хатуу тэмцэж, хариуцлагыг чангатгаж Соёлын өвийг хадгалан хамгаалж, өвлүүлэн, баяжуулан хөгжүүлж буй соёлын биет бус өв тээгч нарыг урамшуулах тогтолцоог бүрдүүлнэ.

2.5.9 Хоёр жилд 1 удаа соёл урлагийн өдрүүдийг суманд зохион байгуулж ардын авъяастнуудыг нийтэд сурталчилж, алдаршуулна.

2.5.10 Соёл урлагийн байгууллагын үйл ажиллагааг хөдөөд чиглүүлж, шаардлагатай тоног төхөөрөмж хувцас хэрэглэлээр хангана.

2.5.11 Сумын Соёлын төвийг түшиглэн дуу бичлэгийн студитэй болно.

Жинстийн иргэн-Жинстийн баялаг

2.6 Гэр бүлийн тогтвортой байдлыг хангаж, гэр бүлийн гишүүдэд ээлтэй бодлого хэрэгжүүлж, хүний хөгжил, хамгааллыг сайжруулна.

2.6.1. Гэр бүлийн боловсролыг бүх насны хүмүүст амьдралын мөчлөг, насны онцлогт тохирсон байдлаар олгоно.

2.6.2. “Иргэний андгай өргөх” танхимтай болж шинээр гэрлэгсэд болон шинээр иргэний үнэмлэх гардаж буй иргэдэд хүндэтгэл үзүүлэх, гэр бүлд чиглэсэн үйлчилгээний төрлийг өргөжүүлж үйлчилгээг сайжруулна.

2.6.3. Залуучуудын сэтгэл зүй, хөгжил, эрүүл мэнд, боловсрол, хөдөлмөр эрхлэлт, нийгмийн оролцоог дэмжсэн хөтөлбөрт арга хэмжээг хэрэгжүүлнэ.

2.6.4. Хүүхдийн хөдөлмөр зуслан байгуулж, хүүхдийг монгол ахуйд сургана.

2.6.5. Хүүхдийн эрхийг дээдлэн “Хүүхдэд ээлтэй орон нутаг” хөтөлбөрийг хэрэгжүүлж, аливаа хэлбэрийн хүчирхийлэл, дарамтад өртсөн иргэнийг хамгаалах нэг цэгийн үйлчилгээний түр хамгаалах байрны үйл ажиллагааг өргөжүүлнэ.

2.6.6. Залуу гэр бүлийг дэмжсэн бодлого боловсруулан, гэр бүл төлөвлөлт, харилцаа хандагыг дээшлүүлсэн хөтөлбөр боловсруулж хэрэгжүүлнэ.

2.6.7 Угийн бичиг хөтлөлтийг үргэлжлүүлж, өрх бүр угийн бичиг хөтөлж, хүүхэд, залуучуудад түгээн дэлгэрүүлсэн байна.

2.6.8. “Залуус бидний төлөө-Бид залуусын төлөө” төсөл хэрэгжүүлж, залуусын оролцоотой төрийн бус байгууллагуудыг чадавхжуулах бодлого хэрэгжүүлнэ.

2.6.9 Сум орныхоо нэр хүндийг аймаг, улсад гаргаж байгаа залуучуудыг дэмжиж ажиллах, шагнаж урамшуулна.

Гурав.Эдийн засгийн бодлого

3.1 Санхүү эдийн засгийн хүндрэлийг тооцож, эдийн засгийг тогтвортой байлгахад анхаарах.

3.1.1 Татварын хууль тогтоомжийг сурталчилан хэрэгжилтэд хяналт тавих, улс орон нутгийн төсвийн орлогыг татварын нэр төрөл бүрээр жигд ханган биелүүлнэ.

3.1.2 Татвар төлөгчдийн бүртгэл мэдээллийн зөрүүг арилган бүртгэлд хамрагдаагүй татвар төлөгчдийг бүрэн хамруулна.

3.1.3 Мэдээ, мэдээллийн ил тод байдлыг хангаж, шилэн дансны болон худалдан авах ажиллагааны цахим хэрэглээг иргэдэд сурталчлан таниулж, “Тунгалаг санхүү” хөтөлбөрийг хэрэгжүүлнэ.

3.1.4 Байгууллагуудын санхүүгийн сахилга батыг сайжруулж, ажилчдыг чадавхижуулан стандартын шаардлагад нийцсэн тоног төхөөрөмжөөр хангана.

3.1.5 Төрийн өмчийн барилга байгууламж, эд хөрөнгө, техник, тоног төхөөрөмжийн хадгалалт, хамгаалалт, ашиглалтыг сайжруулан хяналт тавина.

3.1.6 Төсөл хөтөлбөрүүдийг судалж гадаад харилцааг идэвхижүүлэн оновчтой хөрөнгө оруулалтыг нэмэгдүүлэхэд анхаарч ажиллана.

3.1.7. Төсөвт байгууллагуудын дансанд бүртгэлтэй тээврийн хэрэгсэлийн ашиглалт хамгаалалттай холбоотой зөрчлийг арилгана

3.1.8. Бүртгэлээр тавих хяналтыг нэмэгдүүлэх, Өмч хөрөнгийн ашиглалт хамгаалалтыг сайжруулж, коджуулна.

3.1.9 Төрийн байгууллагуудын автомашины парк шинэчлэлтийг хийх.

Эрүүл хөрс-Эрүүл хүнс

3.2. Газар тариалангийн салбарын үйл ажилагааг дэмжиж, тариалалт, ургац хураалтыг нэмэгдүүлнэ.

3.2.1. Төмс хүнсний ногоо, жимс жимсгэнэ хөтөлбөрийн хүрээнд хийгдсэн ажлын үр дүнг тооцож цаашид төсөл хөтөлбөрийн байгууллагуудтай хамтарч хэрэгжүүлнэ.

3.2.2.Газар тариалан эрхлэгчдийг дэмжих, шаардлагатай тоног төхөөрөмжөөр хангах, хүлэмж, зоорь нэмэгдүүлэхэд зээлийн бодлогоор дэмжинэ.

3.2.3.Стандартын шаардлага хангасан зоорь ашиглалтанд оруулна.

3.2.4 Бэлчээр ашиглалтыг зөв зохион байгуулж, малын тэжээлийн ургамал тариална.

3.2.5 Худаг уст цэг гаргах, шаардлагатай цэгүүдэд уст цэгийн хайгуул хийх.

3.2.6 Сумын бэлчээр ашиглалтын хариуцлагажуулах үлгэрчилсэн журмыг хэрэгжүүлнэ.

3.3 Үйлдвэржилтийн бодлогын судалгаан дээр үндэслэн сумын үйлдвэржилтийн бодлогыг тодорхойлж зах зээлийг судлах, цаашид эдийн засгийн үр өгөөжийг нэмэгдүүлэх.

3.3.1.Үйлдвэржилтийн бодлоготой уялдуулж орон нутгийн чиглэлийг тодорхойлж жижиг дунд үйлдвэрлэл эрхлэгчдэд зээл олгож ажлын байрыг нэмэгдүүлнэ.

3.3.2. Арьс шир, нэхий боловсруулах анхан шатны цехийн үйл ажиллагааг сайжруулан ажиллуулна.

3.3.3. Барилгын материалын үйлдвэрлэлийг дэмжих блокны үйлдвэрлэлийг өргөтгөхөд төсөл хөтөлбөрөөр дэмжинэ.

3.3.4. Хог хаягдлыг боловруулах жижиг цех байгуулна.

3.4 Мал эмнэлгийн үйлчилгээг сайжруулж, малын чанар ашиг шимийг дээшлүүлэх

3.4.1. Малын халдварт, гоц халдварт, шимэгчтэх өвчинтэй тэмцэх, урьдчилан сэргийлэх, мал сүргийг эрүүлжүүлэх, үйл ажиллагааг хэрэгжүүлж эрүүл бүс статусаа бататгана.

3.4.2. Малын шилжилт хөдөлгөөн болон малын гаралтай бүтээгдэхүүнд тавих хяналтыг сайжруулна.

3.4.3. Мал эмнэлгийн бэлэн байдлыг хангах, шаардлагатай эм бэлдмэлийн нөөц бүрдүүлнэ.

3.4.5. Мал эмнэлгийн аж ахуйн нэгжийн үйлчилгээнд хяналт тавьж чанар хүртээмжийг нэмэгдүүлэх

3.4.5. Малын паразит болон бусад өвчлөлөөс сэргийлэх угаалга, ариутгалын зориулалттай автомашин, зөөврийн тоног төхөөрөмж авах

3.5 Тогтвортой хөдөө аж ахуй

3.5.1. Малын чанар, ашиг шимийг сайжруулах малын тоог чанарт шилжүүлж “Монгол мал-2”, “Монгол малчин”, “Шинэ хөдөө” үндэсний хөтөлбөрийг хэрэгжүүлнэ.

3.5.2. Хөдөө аж ахуйн бүтээгдэхүүн үйлдвэрлэлийг хөгжүүлж, малын гаралтай бүтээгдэхүүний экспорт болон үйлдвэрлэл эрхлэгчдийг дэмжиж, ажлын байр нэмэгдүүлнэ.

3.5.3 Бэлчээр ашиглалт хамгаалалтыг сайжруулж, өнжөөж чөлөөлөх, усжуулах, бэлчээрийн хортон мэрэгчтэй тэмцэх ажлыг үе шаттайгаар зохион байгуулна.

3.5.4. Сумын аюулгүй нөөцийн өвс тэжээлийг жил бүр зохих түвшинд бэлтгэнэ.

3.5.5 Орон нутагт хадлангийн талбайг усжуулж, хайс хамгаалалтыг хийнэ.

3.5.6 Малчдын эм тамганы бүртгэлжүүлж судалгаатай болно.

3.5.7 Шилмэл хээлтүүлэгчийг нэмэгдүүлнэ.

Дөрөв. Байгаль орчин, ногоон хөгжил, газрын харилцааны бодлогын хүрээнд:

4.1. Байгаль орчныг хамгаалах байгальд үзүүлэх сөрөг нөлөөллөөс урьдчилан сэргийлэх, байгаль орчны бодлогыг төлөвлөн хэрэгжүүлнэ.

4.1.2 Хөрсний үржил шим, чийгийг хамгаалж, газрын доройтол, хөрсний бохирдол, цөлжилтөөс урьдчилан сэргийлнэ.

4.1.3 Байгаль орчны хууль тогтоомжийг олон нийтэд сурталчилан таниулж стандарт хэм хэмжээг мөрдүүлнэ.

4.1.4 “Хоггүй Жинст” аяныг зохион байгуулж хог хаягдлын менежментийн төлөвлөгөө боловсруулан, хэрэгжилтийг хангана.

4.1.5. Орон нутаг өөрийн нөөцөд тулгуурлан сумын төвийн ногоон байгууламжийн талбайг нэмэгдүүлнэ.

4.1.6 Булгийн эхийг хамгаалах ундаргыг сэргээх ажлыг иргэд, малчид, нөхөрлөлийн оролцоотойгоор хийж хэрэгжүүлнэ.

4.1.5 Зэрлэг амьтадыг хамгаалах, өвс тэжээлийн хомсдлоос урьдчилан сэргийлэх, амьдрах орчныг сайжруулах чиглэлээр зэрлэг амьтны байршил бүхий газруудад био техникийн арга хэмжээ авна.

4.1.7 Байгаль орчны эсрэг гэмт хэргээс урьдчилан сэргийлэх ажлын хяналтыг сайжруулна.

4.1.8 Ундны ус хангамжийн эх үүсвэрийн эрүүл ахуйн бүсийн дэглэмийн хэрэгжилтийг сайжруулна.

4.1.9 Тусгай хамгаалалттай газар нутгийн хамгаалалтын менежментийг боловсронгуй болгож, төр хувийн хэвшил иргэний нийгмийн түншлэлээр хамгаалалтыг сайжруулах ажлыг зохион байгуулна.

4.1.10. Тахилгат уул, ус, газар нутгийн мэдээллийн санг бүрдүүлж, тахин шүтэх ёсыг түгээн дэлгэрүүлнэ.

4.1.11. Аялал жуулчлалын үйл ажиллагаа явуулж байгаа аж ахуйн нэгж, иргэдэд хүү багатай, хөнгөлөлттэй зээлд хамруулж дэмжлэг үзүүлнэ.

4.1.12 Орон нутгийн аялал жуулчлалыг хөгжүүлж, “Нутгаараа бахархахуй” дотоод аялалыг зохион байгуулж, хэвшүүлнэ.

Газрын харилцаа

4.2.1. Сумын хилийн цэсийн маргаантай газраар аймгийн Газрын харилцаа барилга хот байгуулалтын газартай хамтран ажлын хэсэг гарган хилийн

тодруулалтын ажлыг зохион байгуулах, сумын Иргэдийн төлөөлөгчдийн хурлаар хэлэлцүүлнэ.

4.2.2. Сумын төвийн хөгжлийн ерөнхий төлөвлөгөөг хийлгэнэ

4.2.3. 1:100000 нутаг дэвсгэрт хаягжуулалын ажлыг хийнэ. (улс, орон нутгийн чанартай автозам, аялал жуулчлалын газар, Тусгай хамгаалалттай газар, өвөлжөө, хаваржаа, тариалангийн талбай, уул уурхай)

4.2.4. Газар зохион байгуулалтын төлөвлөлтийг эмх цэгцтэй, бодит байдлаар хийж, гэр хорооллын дахин төлөвлөлтийн хүрээнд “Жишиг гудамж” бүхий арга хэмжээг авч хэрэгжүүлнэ.

Тав. Засаглалын бодлогын хүрээнд:

5.1. Төрийн албыг түргэн шуурхай болгож, иргэдийг төрийн нэгдсэн бодлого, удирдлагаар хангаж, төрийн үйлчилгээг шуурхай хариуцлагатай, хүртээмжтэй хүргэх, нөхцөлийг бүрдүүлж, төрийн албанд ёс зүй, чадахуйн зарчмыг төлөвшүүлж, үйл ажиллагааны чанар хүртээмж, ил тод байдлыг сайжруулах.

5.1.1. Төрийн албан хаагчийн үйл ажиллагааг үнэлэхдээ ажлын гүйцэтгэл, үйлчлүүлэгчийн үнэлгээ, ёс зүй, сахилга хариуцлагыг шалгуур болгож, ёс зүйн зөрчил гаргасан төрийн албан хаагчид хүлээлгэх хариуцлагыг чангатгана.

5.1.2. Чадварлаг, хариуцлага, ёс зүйтэй төрийн албыг бэхжүүлнэ.

5.1.3. Төрийн үйлчилгээний операторын үйл ажиллагааг эрчимжүүлж, төрийн байгууллагын үйл ажиллагаанд мэдээлэл харилцаа холбооны дэвшилтэт технологи, инновац нэвтрүүлэх замаар төрийн цахим үйлчилгээг нэмэгдүүлж, бүтээмж, үр ашгийг дээшлүүлнэ.

5.1.4. Авилга ашиг сонирхолын зөрчлөөс урьдчилан сэргийлэн бүх нийтийн хандлагыг өөрчилнө.

5.1.5. Бүх нийтийн эрх зүйн боловсролыг дээшлүүлэх тогтолцоог бэхжүүлж иргэдэд эрх зүйн харилцаанд бие даан оролцох чадварыг үе шаттайгаар нэмэгдүүлнэ.

5.1.6 Төрийн албаны мэргэжлийн боловсон хүчнийг бэлтгэх, хүний нөөцийг чадавхижуулна.

5.1.7 Төрийн албан хаагчийг чадавхжуулах аймгийн нэгдсэн төлөвлөгөөг хэрэгжүүлж ажиллана.

5.1.8 Төрийн байгууллагуудын шударга байдлын түвшинг нэмэгдүүлж, ил тод байдлыг дээшлүүлж, төрийн үйлчилгээг түргэн шуурхай хүртээмжтэй болгоно.

5.1.9. Төрийн байгууллагын дотоод дэг журам, албан хаагчдын ажлын уялдаа холбоо, ажлын чанарыг сайжруулна.

5.1.10. Албан хэрэг хөтлөлтийн үйл ажиллагааг төгөлдөржүүлэн, мэргэжилтэй боловсон хүчнээр хангаж, архивын баримтыг цахим санд шилжүүлж, хадгалалт аюулгүй байдлыг сайжруулна.

5.1.11. Багийн төвүүдийг ээлж дараатай тохижуулж байнгын үйл ажиллагаатай болгоно.

Аюулгүй нийгэм- Амар тайван

5.2 Иргэдийн амар тайван байдлыг хангах

5.2.1 Сумын хэмжээнд гарч буй гэмт хэрэг, зөрчлийн шалтгаан, нөхцлийг тогтоон, урьдчилан сэргийлж хяналтыг сайжруулна.

5.2.2 Малчдын бүлгэмийг шинэчлэн байгуулах, үйл ажиллагааг эрчимжүүлэх, хамтран ажиллана.

5.2.3 Осол гэмтлээс урьдчилан сэргийлэх чиглэлээр замын тэмдэг тэмдэглэгээ нэмэгдүүлнэ.

5.2.4 Сумын хэмжээний архины хамааралтай иргэдийг соён гэгээрүүлэх үүднээс "Жаргалтай амьдрал төв"-тэй хамтран ажиллана.

5.2.5 Гэр бүлийн хүчирхийллийн улмаас үйлдэгдэж буй гэмт хэрэг зөрчлийн тоог бууруулж, урьдчилан сэргийлэх арга хэмжээг зохион байгуулна.

5.2.6. Согтуугаар үйлдэгдэж буй гэмт хэрэг зөрчлийн тоог бууруулах, хяналтыг сайжруулна.

5.2.7. Хөдөлгөөний аюулгүй байдлын эсрэг гэмт хэргийн тоог бууруулна.

5.2.8. Малын хулгайн гэмт хэргийн тоог бууруулна.

5.2.9. Цагдаагийн байгууллагын үйл ажиллагаанд дэмжлэг үзүүлнэ.

5.2.10. Гудамж талбайн гэрэлтүүлэг, тохижилтыг хийж гүйцэтгэнэ.

5.2.11. Сумын төвийн гудамж талбайг камержуулна.

Зургаа. Орон нутгийн хөгжил

6.1.1. Засаг даргын Тамгын газрын барилгыг шинээр барьж төрийн албан хаагчдын ажиллах орчин нөхцлийг сайжруулна.

6.1.2 Шинэ цэцэрлэг барьж ашиглалтанд оруулан хүүхэд багачууд тохилог орчинд сурч хүмүүжих нөхцөлийг бүрдүүлнэ.

6.1.3 Стадионд түшиглэн гүйлтийн зам, хөл бөмбөгийн талбай бүхий биеийн тамирын талбайг бий болгоно.

6.1.4. Сумын төв дунд 2 км шороон замыг асбальтон хучилттай зам болгож тоосжилтыг багасгана.

6.1.5 Дулааны шугам сүлжээний өргөтгөлийг хийнэ.

6.1.6. Улиатай амны усыг хуримтлуулж хөв байгуулна.

6.1.7 Хогний машин, бохирын машинтай болно.

6.1.8 Сумын 100 жилийн ойн арга хэмжээг угтаж сумын телевизтэй болно.

6.1.9 Сумын хэмжээнд брэнд бүтээгдэхүүнтэй болно

6.1.10 Зэргэлдээ аймаг, сумдуудтай шефийн холбоо тогтоож ажиллана.

6.1.11 Эрчим хүчний өргөтгөл хийж, хүчин чадлыг нэмэгдүүлнэ.

6.1.12 Скайтелийн 3G сүлжээг Хөнөг 3 дугаар багийн өндөрлөг газарт байршуулна.